

Ժողովուրդ

35
(3244)

26 մարտի հինգշաբթի 2026
տպագրության ԺԵ տարի

✉ ք. Երևան, Արմավյան 22ա/3 (0010)

☎ +374 10 546423

@ info.armlur@gmail.com, info.zhoghovurd@gmail.com

100 դրամ

ԹԵՐԹԵՐԻՑ ԽԼՈՒՄ ԵՆ ՎԵՐՋԻՆ ՇՈՒՆՉԸ



Երբ Նիկոլ Փաշինյանը դեռ խմբագիր էր, թերեւս լավ գիտեր՝ տպագիր մամուլը միայն լրատվամիջոց չէ, այլ նաեւ ինստիտուտ է՝ հանրային վերահսկողության, կարծիքների բախման, արխիվի, քաղաքական հիշողության: Բայց այսօր, արդեն վարչապետի կարգավիճակում, հենց նրա իշխանությունն է հերթական հարվածը հասցնում տպագիր մամուլին՝ այն էլ ոչ թե շուկայական մրցակցության, այլ օրենսդրական միջամտությամբ:

«Ժողովուրդ» օրաթերթը տեղեկացավ, որ մարտի 25-ին Ազգային Ժողովում առաջին ընթերցմամբ քննարկվել է Կառավարության հեղինակած «Ինտերնետով հրապարակային եւ անհատական ծանուցման մասին» եւ կից օրենքներում փոփոխությունների փաթեթը, որով առաջարկվում է հանել ծանուցումներն ու այլ փաստաթղթային հրապարակումները տպագիր մամուլում պարտադիր հրապարակելու պահանջը՝ այն փոխարինելով «azdarar.am» պաշտոնական կայքում կամ համապատասխան կազմակերպության ինտերնետային էջում հրապարակմամբ: Նախագծի զեկուցող, արդարադատության նախարար Սրբուհի Գալյանը բացատրել է, թե գործող մեխանիզմն այլեւս արդյունավետ չէ, միաժամանակ առաջացնում է զգալի ծախսեր: Այս մոտեցումը նույնությամբ ներկայացվել է նաեւ խորհրդարանական քննարկման հրապարակային հարողագրություններում:

Իշխանությունն, ըստ էության, ասում է՝ թերթը հնացած է, թերթը այլեւս պետք չէ: Այստեղ կա մի նուրբ, սակայն չափազանց կարեւոր հանգամանք. պետությունը պարզապես տեխնիկական լուծում չի փոխում, այլ վերացնում է տպագիր մամուլի գոյատեւման այն աղբյուրներից մեկը, որն առնվազն տարիներ շարունակ օգնում էր թերթերին պահել տնտեսական նվազագույն կենսունակությունը: Այսինքն՝ խոսքը միայն ծանուցման ձեւաչափի մասին չէ. խոսքը լրատվական դաշտից տպագիր մամուլի ֆինանսական հենակետերից մեկը հանելու մասին է:

Մանրամասները՝ ArmLur.am կայքում

ՀՀ դատախազությունը «Հետք»-ի հրապարակումն ուղարկել է Հակակոռուպցիոն կոմիտե: «Ժողովուրդ» օրաթերթը պաշտոնապես տեղեկացավ, որ Առինջի կառուցապատման աղմկահարույց գործով ստուգողական գործողություններ են ընթանում. «մակուլատուրան ստուգվում է»: «Ժողովուրդ»-ը տեղեկացրել էր, որ ՀՀ դատախազությունը «Հետք»-ի հրապարակումը, որը վերաբերում է Առինջում կառուցված շենքերի եւ առանձնատների գործին, ուղարկել է Հակակոռուպցիոն կոմիտե՝ քրեական վարույթի ընթացքը լուծելու նպատակով: Խոսքը վերաբերում է այն աղմկահարույց պատմությանը, որի շրջանակում բացահայտվել էր Առինջում կառուցապատված թաղամասի կոռուպցիոն շղթան: Ըստ հրապարակման՝ Առինջում «Միլոն մայնիկ» ՍՊԸ-ի կառուցած թաղամասում ԱԺ ԶՊ խմբակցության ղեկավար Հայկ Կոնջորյանը դեռեւս 2025 թվականի դեկտեմբերին մատչելի պայմաններով ձեռք էր բերել բնակելի տուն՝ թաունհաուս: Ուշագրավն այն է, որ Կոնջորյանը գույքը ձեռք էր բերել շուկայականից եւ նույնիսկ կառուցապատողի հայտարարած գնից էժան՝ մեկ քառակուսի մետրի համար վճարելով ընդամենը 300 հազար դրամ, այն դեպքում, երբ վաճառքի հայտարարված գինը կազմել էր 420 հազար դրամ:




⇒ էջ 3

Նանե Ղազարյանը Կադաստրի կոմիտեի ղեկավարի տեղակալ է նշանակվել 2025 թվականի մարտի 11-ին: Մինչ այդ, ինչպես «Ժողովուրդ» օրաթերթը պարզեց Կադաստրի կոմիտեի պաշտոնական կայքից, նա 2023 թվականի օգոստոսից մինչև 2025 թվականի մարտ զբաղեցրել է Կադաստրի կոմիտեի իրավաբանական վարչության պետի պաշտոնը: Սակայն ուշագրավ է, որ այդ ժամանակահատվածի համար նրա գույքի եւ եկամուտների հայտարարագրերը հրապարակված չեն: Ներկայացվածը հանդիսանում է պաշտոնը ստանձնելու օրվա դրությամբ հայտարարագիր: «Ժողովուրդ» օրաթերթը ուսումնասիրեց հայտարարագիրը եւ արձանագրեց հետեւյալ պատկերը: Նանե Ղազարյանը հայտարարագրել է Երևանում մեկ բնակարան, որը գտնվում է նրա փաստացի տիրապետման ներքո՝ 90 եւ ավելի օր: Նա ունի նաեւ 2012 թվականի արտադրության TOYOTA մակնիշի ավտոմեքենա, որը եւս հանդիսանում է 90 օր եւ ավելի տիրապետվող տրանսպորտային միջոց: Պաշտոնյան ունի բաժնեմաս, որը ձեռք է բերել 2020 թվականի հունիսի 2-ին՝ 50,000 դրամ արժեքով: Նրա բանկային հաշիվներում առկա է 425.39 դոլար եւ 684,390 դրամ, էլեկտրոնային հաշվում՝ 540 դրամ, իսկ կանխիկ՝ 3,450 դոլար:



Շարունակությունը՝ ArmLur.am կայքում

Արիլի 2-ից էկրան կբարձրանա «Առաջին Զրիստոնյա պետություն» անվանումը կրող ֆիլմ: Այն ստեղծվել է ռուսաստանաբնակ հայ գործարար ու բարերար Արթուր Սողոմոնյանի ֆինանսական ներդրման շնորհիվ: Եռալեզու (հայերեն, ռուսերեն ու անգլերեն) ֆիլմը պատմում է 4-րդ դարասկզբի պատմական իրադարձությանը նախորդած ու հաջորդած դեպքերի մասին: Խաղարկային փաստավավերագրական ֆիլմի նպատակն է հատկապես ռուսալեզու եւ անգլալեզու տիրույթում ներկայացնել հայկական պատմությունն ու մշակույթը, դրանով իսկ նպաստել հայկականության տարածմանն աշխարհում: Մեզ հաջողվեց կապ հաստատել Արթուր Սողոմոնյանի հետ, ով նշեց, որ հայկական մշակույթի տարածման գործում իր ու իր ընկերների ջանքերը շարունակվելու են, եւ այս ֆիլմին հաջորդելու են պատմական մոտիվներով նկարահանվող այլ ֆիլմեր եւս, օրինակ՝ 451թ.-ի Վարդանանց պատերազմի ու այլ պատմական շրջանների մասին:



Շարունակությունը՝ ArmLur.am կայքում

ՔԱՂԱՔԱԿԱՆ

ՀԱՐՑԱԳՐՈՒՅՑ

«ԸՆԴՈՒՄՆԵՐ ՈՒԺԵՐԸ ՊԱՏԵՐԱԶՄ ԵՆ ՏԵՆՉՈՒՄ»

ArmLur.am-ը գրուցել է Հայաստանի Հանրապետության Ազգային ժողովի «Քաղաքացիական դաշմանագիր» խմբակցության ղեկավար Վահագն Ալեքսանյանի հետ:

-Պարոն Ալեքսանյան, Նիկոլ Փաշինյանն օրերս հայտարարեց, որ եթե ինքը չընտրվի, ապա սեպտեմբերին պատերազմ է լինելու: Այս հայտարարության ենթատեքստը ո՞րն է: Որտեղից ձեզ այդ տեղեկությունը:

-Ենթատեքստն այն է, որ ընդդիմադիր ուժերը ակնհայտորեն պատերազմ են տեսնում, եւ նրանց համախմբումը պետք է անվանել պատերազմի կուսակցություն: Դուք չէ՞ք լսում նրանց հայտարարությունները, երբ ասում են, որ պետք է ռեփզիա անեն խաղաղության համաձայնագիրը, երբ ասում են, որ պետք է ռեփզիա անեն TRIPP համաձայնագիրը, երբ ասում են, որ TRIPP-ի վրա պետք է բերեն ջնհարկ կամ ռուսական երաշխավորություն: Այդ ամեն ինչը պատերազմի ուղիղ տեքստ է:

-Իսկ ԱՄՆ-ից վտանգներ չէ՞ք տեսնում: ԱՄՆ-ն Իրանի համար թշնամական պետություն է: Իրանի քաղաքական գործիչները նշում են, որ Իրանը բարեկամական հարաբերություններ ունի ԶԳ-ի հետ, սակայն Հայաստանը հայտնվում է ԱՄՆ-ի եւ Իրանի նման թշնամական պետությունների արանքում: Սա վտանգավոր չէ Հայաստանի համար:

-Այսինքն՝ նկատի ունեք Իրանը Հայաստանի տարածքը ի՞նչ ակն՝ ռմբակոծի:

-Վտանգներ չէ՞ք տեսնում:

-Չէ, չեմ տեսնում, որովհետեւ մենք ունենք փայլուն հարաբերություններ ԱՄՆ-ի հետ, մենք ունենք փայլուն հարաբերություններ Իրանի հետ, եւ դա մեր դիվանագիտության շնորհիվ է: Հենց դա է ճիշտ դիվանագիտությունը, հենց դա է ճիշտ արտաքին քաղաքականությունը՝ այդ աշխարհում, նույնիսկ եթե պատերազմ լինի, ինչի համար մենք շատ ցավում ենք եւ աղոթում ենք, որ բոլոր պատերազմները, բոլոր մարտական գործողությունները հնարավորինս շուտ ավարտվեն:



-Ընդդիմությունը պատերազմի մասին չի խոսում, նրանք պնդում են, որ պետք է արժանապատիվ խաղաղություն լինի:

-Երբ որ տարածքային պահանջներ են ներկայացնում Թուրքիայից, դա ինչի՞ մասին է: Խաղաղությամբ մասին է: Թուրքիայից տարածքային պահանջներ ունենալը պատերազմի մասին է, թե՛ խաղաղության, երբ որ ասում են՝ Արարատը մերն է:

-Պարոն Ալեքսանյան, հրաժարվե՞նք հայ ժողովրդի պատմությունից:

-Պատմականորեն Ուրմիո լիճն էլ է մերը եղել: Հիմա ի՞նչ անենք: Ասենք՝ Ուրմիոն մերն է, Իրանին ասենք՝ այ՛ն սկզբունքներ, Ուրմիո լիճը իր հարակից տարածքներով մերն է, մեզ տվեք, Վրաստանին ասենք՝ Ջավախքը մերն է՝ տվեք, Ադրբեջանին ասենք՝ Ղարաբաղը, Նախիջևանը մերն է՝ տվեք, Թուրքիային ասենք՝ Արեւմտյան Հայաստանը տվեք: Սա՛ է խաղաղությունը:

-Դուք էիք այդ նույն Ղարաբաղում, նույն Շուշիում պարոն: Ստացվում է՝ դուք այլ երկրի տարածք ապօրինաբար եք հասել:

- Հիմա պնդում եք, որ այս չորս պետություններից այդ չորս տարածքային պահանջները ներկայացնենք: Ես հայտնում եմ, որ չպետք է մեր չորս հարեւան պետություններից տարածքային պահանջներ կայացնենք: Դա ինքնասպանություն է:

-Դուք ասում եք, որ Արարատը հայ ժողովրդին է:

-Այսինքն՝ ձեզ համար նորություն է, որ Հայաստան-Թուրքիա սահմանը այնպես է անցնում, որ Արարատը սահմանից այն կողմ է լինում: Դա ձեզ համար նորություն է: Այդպիսի աշխարհ եմ հիմա ձեզ համար բացահայտում: Ուզո՞ւմ եք մի հատ նոր շրկային նորություն ասեմ. երկրագունդն էլ կլոր է: Ինձ թվում է, դա ավելի շրկային է:

Ջրուցեց ՆԱՆԻԿ ՄՐԱՍՅԱՆԸ

ՔԱՂԱՔԱԿԱՆ ՕՐԱԿԱՐԳ

«ՄԱՐԴԻԿ ԶԵԶ ԵՆ ԴԵՄ»



«Լուսավոր Հայաստան» կուսակցության նախագահ, ՀՀ հատուկ հանձնարարություններով նախկին դեսպան Էդմոն Մարուքյանը տեղեկարարական գրառում է կատարել. «Առաջին նկարում «Հայաստանի Հանրապետության հայարտ քաղաքացու անձնագիր» է՝ 2020 թվականին իշխանությունների կողմից նախաձեռնված, սակայն հետո չեղարկված Սահմանադրական հանրաքվեի «Այո»-ի բուկլետը: «ՀՀ հայարտ քաղաքացու անձնագիր» վրա պատկերված էր Հայաստանի քարտեզը՝ Արցախի հետ միասին, եւ երբ այդ բուկլետները քարոզարշավի շրջանակներում բաժանվում

էին քաղաքացիներին, տեղի ունեցավ հայտնի դեպք. Նիկոլ Փաշինյանը մետրոյում (ամեն անգամ էլ ավելի ենք համոզվում, որ Փաշինյանին մետրոն հակացուցված է) այդ բուկլետը տվեց մի երիտասարդ աղջկա, որն էլ վերցրեց ու պատռեց այն:

Երկրորդ նկարում՝ 2026 թվականի խորհրդարանական ընտրություններին ընդառաջ ԶԳ-ի կողմից կիրառվող քարոզչական գործիք դարձած կրծքանշանն է՝ ՀՀ քարտեզի տեսքով: Վերջերս էլ Ալեն Սիմոնյանը, նեղացած երեխայի պես, բողբոջում էր Փաշինյանին, թե քաղաքացիներից մեկը վերցնելով այդ կրծքանշանը՝ կտրել ու գցել է գետնին: Ասում էր՝ մեզ կարող են չսիրել, բայց ինչպե՞ս կարելի է անարգել մեր պետության քարտեզը:

Մեր պետության քարտեզը հենց դուք եք անարգում՝ այն դարձնելով ձեզ համար քարոզչական գործիք: Մարդիկ ոչ թե մեր պետական խորհրդանիշներին են դեմ, այլ ձեզ եւ ձեր վարած խայտառակ քաղաքականությունը: Մեր պետական եւ ազգային խորհրդանիշներին ձեռք մի տվեք. ձեր դեմքերով բուկլետներ ու կրծքանշաններ պատրաստեք,

որ մարդիկ էլ հանգիստ սրտով գցեն գետնին կամ պատռեն եւ դա չլինի մեր սրբությունը: Հայաստանի քարտեզը եւ մեր սրբագույն սիմվոլները հանգիստ թողեք, իսկ կոնկրետ քարտեզի մասով՝ ամեն անգամ, երբ դրան դիպչում եք, այն քառակուսի կիլոմետրերով փոքրանում է»:

ՀԱՅԱՏԱՏԻԿ ԽՄԲԱԶԱՆԱԿ

Ադրբեջանի տարածքով Հայաստան է ուղարկվել ռուսական հացահատիկի հերթական խմբաքանակը: Այս մասին հայտնում են ադրբեջանական լրատվամիջոցները:

Հայաստան է ուղարկվել 5 վագոն հացահատիկ (350 տոննա): Գնացքը Վրաստանով կիսանի Հայաստան:

Ավելի վաղ Ադրբեջանի տարածքով Հայաստան էր ուղարկվել 4 վագոն պարտանյութ (271 տոննա) եւ 1 վագոն հնդկաձավար (68 տոննա): Իսկ դրանից առաջ նույն ճանապարհով Հայաստան էր ուղարկվել ավելի քան 23 հազար տոննա հացահատիկ եւ ավելի քան 700 տոննա պարարտանյութ:



ԸՆԴՈՒՄՆԵՐ Է

Հայաստանի Հանրապետության նախագահ Վահագն Ալեքսանյանը Հունաստանի Անկախության օրվա առթիվ ընդունել է Հայաստանում Հունաստանի արտակարգ եւ լիազոր դեսպան Խրիստոս Սոֆիանոպոլոսին: Ողջունելով նրան՝ նախագահն՝ ի դեմս դեսպանի, շնորհավորել է Հունաստանի ղեկավարությանը եւ բարեկամ ժողովրդին ազգային տոնի կապակցությամբ՝ ընդգծելով, որ երկու երկրների հարաբերությունները առանձնահատուկ տեղ են զբաղեցնում Հայաստանի արտաքին քաղաքական օրակարգում: Նա նշել է, որ երկու ժողովուրդների միջեւ ձեւավորված կապերը ունեն դարավոր պատմություն եւ հիմնված են փոխադարձ վստահության, համակրանքի ու դժվարին պահերին միմյանց աջակցելու պատրաստակամության վրա: Իր խոսքում դեսպան Սոֆիանոպոլոսը շնորհակալություն է հայտնել ընդունելության համար՝ նշելով, որ Հայաստանի հետ հարաբերությունները Հունաստանի համար ոչ միայն պատմական ժառանգություն են, այլեւ ժամանակակից համագործակցության կարեւոր ուղղություն: Նա ընդգծել է, որ վերջին տարիներին երկրորդ կապերը նկատելիորեն ակտիվացել են՝ ընդգրկելով նոր ոլորտներ եւ ստեղծելով համագործակցության նոր հնարավորություններ:

Հանդիպման ընթացքում կողմերը հանգամանակից անդրադարձել են երկկողմ համագործակցության զարգացման հեռանկարներին՝ առանձնացնելով մի շարք առաջնահերթ ռուրտներ: Մասնավորապես, քննարկվել են քաղաքական երկխոսության խորացման, տնտեսական կապերի ընդլայնման, ներդրումային ծրագրերի խթանման, ինչպես նաեւ մշակութային եւ կրթական փոխանակումների ակտիվացման հարցեր: Կարեւորվել է նաեւ բարձր տեխնոլոգիաների եւ պաշտպանության ոլորտներում համագործակցության ընդլայնումը՝ հաշվի առնելով առկա ներուժը եւ փոխադարձ հետաքրքրությունը:

Կողմերը հատուկ շեշտադրել են, որ երկու երկրների միջեւ համագործակցությունը զարգանում է կայուն եւ հետեւողական կերպով՝ անկախ արտաքին հանգամանքներից: Ընդգծվել է, որ այդ առաջընթացի հիմքում ընկած է ոչ միայն պետական մակարդակի փոխգործակցությունը, այլեւ ժողովուրդների միջեւ ձեւավորված ամուր բարեկամությունն ու փոխադարձ շահերի համադրումը, որոնք լրացուցիչ խթան են հանդիսանում նոր նախաձեռնությունների կյանքի կոչման համար:

Ջրույցի ընթացքում անդրադարձ է կատարվել նաեւ տարածաշրջանային զարգացումներին: Կողմերը քննարկել են առկա մարտահրավերները եւ կարծիքներ փոխանակել դրանց արդյունավետ դիմակայելու հնարավոր ուղիների վերաբերյալ՝ կարեւորելով համագործակցային մոտեցումների դերը: Նշվել է, որ այս համատեքստում առանձնահատուկ նշանակություն ունեն խաղաղության հաստատման ուղղված ջանքերը, երկարաժամկետ կայունության ապահովումը եւ ժողովրդավարական ինստիտուտների զարգացումը, որոնք կարող են նպաստել տարածաշրջանում կանխատեսելի եւ անվտանգ միջավայրի ձեւավորմանը:

ԻՐԱՎԻՃԱԿ

ՆՈՐ ԳՈՐԾԸՆԹԱՑ

ՀԱՅԿ ԿՈՆՉՈՐՅԱՆԻ, ՆՐԱ ՄՈՐ ՈՒ ՔՐՈՋ ԱՌԱՆՁՆԱՏՆԵՐԻ ԳՈՐԾԸ

ՉԻ ՈՒՋՈՒՄ «ԿՐԿԻՆ ԽԱԲՎԵԼ»

Իրանի ղեկավարությունը կարծում է, որ Իսլամաբադում բանակցություններ անցկացնելու ԱՄՆ-ի առաջարկը կարող է խորամանկություն լինել, մարտի 24-ին հաղորդել է Axios-ը՝ հղում անելով աղբյուրներին:

Իրանի ներկայացուցիչները Պակիստանի, Եգիպտոսի և Թուրքիայի միջնորդներին ասել են, որ Մերձավոր Արևելք ամերիկյան զորքերի տեղակայումը «ուժեղացրել է նրանց մտավախությունը, որ խաղաղության բանակցությունների առաջարկը կարող է խորամանկություն լինել»:

Ինչպես հաղորդում է Axios-ը, Իսլամական Հանրապետության ներկայացուցիչները նշել են, որ «չեն ուզում կրկին խաբվել», քանի որ անցյալ տարվա հունիսին եւ այս տարվա փետրվարի 28-ին Իրանի վրա հարձակումները տեղի են ունեցել բանակցային գործընթացի կեսին: Պորտալը նշում է, որ ԱՄՆ-ը, որպես բանակցությունների հիմք, դիտարկում է Իրանին տրված հակամարտությունը դադարեցնելու 15 կետանոց ծրագիրը:

Axios-ի փոխանցմամբ՝ ԱՄՆ վարչակազմի պաշտոնյաները հույս ունեն պարզել, թե արդյոք Թեհրանը պատրաստ է զիջումների գնալ, որոնք նա չէր ցանկանում անել նախորդ բանակցությունների ժամանակ:

ՄԵՂԱԳԻԵԼ Է

Իսպանիայի վարչապետ Պեդրո Սանչեսը չորեքշաբթի Իսպանիայի կոնգրեսում ելույթ ունենալիս քննադատել է ԱՄՆ-ի և Իսրայելի ռազմական գործողությունները Իրանի նկատմամբ՝ դրանք բնութագրելով որպես «անարդար և անօրինական պատերազմ»:

Սանչեսը, ով վաղուց է հանդես գալիս պատերազմի հակառակորդ դիրքորոշմամբ, ասել է, որ ԱՄՆ-ն ու Իսրայելը «խախտել են միջազգային իրավունքը, ապակայունացրել Մերձավոր Արևելքը և նորից հրահրել հակամարտություններ Իրանում և Լիբանանում»:

Իսպանացի առաջնորդը նաև ընդգծել է, որ ԱՄՆ-ն ու Իսրայելը «անվտանգության սպառնալիքի տակ դրել են ծովածոցային երկրների պետությունները», որոնք արագ դարձան խոցելի ԱՄՆ-ի նախագահ Դոնալդ Թրամփի և Իսրայելի վարչապետ Բենյամին Նեթանյահուի որոշումների պատճառով:

Սանչեսը ԱՄՆ-ին ու Իսրայելին մեղադրել է նաև այն բանի համար, որ նրանք հարմար առիթ են ստեղծել Ռուսաստանի նախագահ Վլադիմիր Պուտինի համար՝ Ուկրաինայում իր լայնածավալ ներխուժման ընթացքում, նշելով, որ Ռուսաստանը շահում է վառելիքի գների աճից և մեղմացված պատժամիջոցներից, որոնք նույնպես պայմանավորված են ԱՄՆ-ի վարչակազմի որոշումներով:

Իսպանիան շարունակել է պայքարել ԱՄՆ-ի և Իսրայելի գործողությունների դեմ հրաժարվելով թույլ տալ ԱՄՆ-ին օգտվել իր Ռուսա ծովային և Մորոն ավիաբազաներից, որոնք գտնվում են Անդալուսիայի շրջանում: Ներկայացվող իրավիճակը Թրամփին ստիպեց քննադատել Իսպանիային՝ ասելով, որ այն «չունի մեծ առաջնորդություն» և պահանջել «ընդհանրապես դադարեցնել առեւտուրն Իսպանիայի հետ»:

Ըստ «Ժողովուրդ» օրաթերթի՝ ՀՀ դատախազությունը «ՀԵՏԲ»-ի հրատարակումն ուղարկել է ՀՀ հակակոռուպցիոն կոմիտե: «Ժողովուրդ» օրաթերթը դաժանադեմ սեղեկացավ, որ Առինջի կառուցադասման ազմկահարույց գործով ստուգողական գործողություններ են ընթանում. «մակուլասուրան ստուգվում է»:

«Ժողովուրդ»-ը տեղեկացրել էր, որ ՀՀ դատախազությունը «Հետք»-ի հրատարակումը, որը վերաբերում է Առինջում կառուցված շենքերի և առանձնատների գործին, ուղարկել է Հակակոռուպցիոն կոմիտե՝ քրեական վարույթի ընթացքը լուծելու նպատակով:

Խոսքը վերաբերում է այն ազմկահարույց պատմությանը, որի շրջանակում բացահայտվել էր Առինջում կառուցապատված թաղամասի կոռուպցիոն շղթան: Ըստ հրատարակման՝ Առինջում «Միլոն մայնինգ» ՍՊԸ-ի կառուցած թաղամասում ԱԺ ԶՊ խմբակցության ղեկավար Հայկ Կոնջորյանը դեռևս 2025 թվականի դեկտեմբերին մատչելի պայմաններով ձեռք էր բերել բնակելի տուն՝ թաունհաուս: Ուշագրավն այն է, որ Կոնջորյանը գույքը ձեռք էր բերել շուկայականից և նույնիսկ կառուցապատողի հայտարարած գնից էժան՝ մեկ քառակուսի մետրի համար վճարելով ընդամենը 300 հազար դրամ, այն դեպքում, երբ վաճառքի հայտարարված գինը կազմել էր 420 հազար դրամ:

Հետագայում պարզվել էր նաև, որ նույն կառուցապատողից բնակարան են ձեռք բերել նաև Հայկ Կոնջորյանի մայրը՝ Արմինե Կոնջորյանը, և քույրը՝ Օֆելյա Կոնջորյանը՝ հենց Հայկ Կոնջորյանի թաունհաուսի դիմաց:

«Ժողովուրդ» օրաթերթը դիմել է Հակակոռուպցիոն կոմիտե՝ պարզելու, թե դատախազությունից ստացված գրությունն ի՞նչ ընթացքի մեջ է: Ի պատասխան՝ Հակակոռուպցիոն կոմիտեից հայտնել են,



որ այս պահին ստուգողական գործողություններ են իրականացվում:

Տեղեկացնենք, որ սա երկրորդ ստուգողական գործողությունն է Կոնջորյանի առանձնատան մասով. մեկն էլ սկսվել էր «Ժողովուրդ» օրաթերթի դիմումի հիման վրա: Սակայն ընթացքից դեռ նորություններ չկան:

Այսպիսով, մամուլի հրատարակմամբ բարձրացված հարցերն արդեն մտել են իրավապահ համակարգի քննության դաշտ: Հիշեցնենք, որ Նիկոլ Փաշինյանը Կոնջորյանի տան կոռուպցիոն թեմայի վերաբերյալ հարցին ազդեցիկ պատասխան էր տվել «Ժողովուրդ» օրաթերթի

լրագրողին՝ ասելով, թե «մակուլատուրան տպում, բերում էք Կառավարություն, տարեք իրավապահներին տվեք»: Տրված են, և իրավապահները մակուլատուրան ուսումնասիրում են:

Արդյոք ստուգողական գործողությունները կվերածվեն քրեական վարույթի, և արդյոք պաշտոնատար անձանց ու նրանց մերձավորների գույքային գործարքներում կոռուպցիոն բաղադրիչ կարծանագրվի, թե ոչ, ցույց կտա առաջիկա ընթացքը:

«Ժողովուրդ»-ը հետետողական է այս թեմայի նկատմամբ»:

ՄՆԱ ԳՐԻԳՈՐՅԱՆ

ՕՐՎԱ ԽՃԱՆԿԱՐ

ԿՈՉ Է ԱՐԵԼ ՊԱՇԱՐՆԵՐ ԿՈՒՏԱԿԵԼ

Պետդեպարտամենտը կոչ է արել Իրանում գտնվող ԱՄՆ քաղաքացիներին ապաստան գտնել և պաշարներ կազմել սննդի ու դեղորայքի համար:

«Եթե որոշեք չօգտվել երկրից հեռանալու առկա տարբերակներից, այդ թվում՝ առեւտրային տարբերակներից, պետք է պատրաստ լինեք ապաստան փնտրել անվտանգ վայրում՝ ձեր տանը կամ այլ անվտանգ շենքում:

Պահեստավորեք սնունդ, ջուր, դեղորայք և այլ անհրաժեշտ իրեր», - ասվում է ԱՄՆ «վիրտուալ դեսպանատան» կայքում տեղադրված հայտարարության մեջ:

ԱՄՆ նախագահ Դոնալդ Թրամփը երկուշաբթի օրը հայտարարել է, որ ԱՄՆ-ը և Իրանը շատ դրական և արդյունավետ բանակցություններ են վարել:

Նա նշել է, որ Պետտագոնիսի հանձնարարել է հինգ օրով հետաձգել Իրանի էներգետիկ ենթակառուցվածքների վրա հարվածները: Իրանի խորհրդարանի խոսնակ Մոհամադ Բադեր Ղալիբաֆը հայտարարել է, որ ԱՄՆ-ի հետ բանակցություններ չեն եղել, և որ կեղծ լուրերը ծառայում են շուկաները մանիպուլյացիայի ենթարկելուն:

ԶՈՐԵՐԻ ԹԻՎԸ ՀԱՄԵԼ Է 70-Ի

Սուդանում հիվանդանոցի վրա կատարված հարվածի հետեւանքով գոհերի թիվը հասել է 70-ի, այդ թվում՝ 13 երեխայի, ասել է ԱՀԿ-ի՝ Սուդանում առողջապահական արտակարգ իրավիճակների ղեկավար Հալա Խուդարին:

«2026 թվականի մարտի 20-ի երեկոյան էլ Դաեյն քաղաքի հիվանդանոցը հարված է ստացել: Սկզբնական հաղորդագրությունները ցույց են տվել 64 զոհվածի և 89 վիրավորի մասին: Որոնողական փրկարարական աշխատանքների արդյունքում զոհերի թիվը հասել է 70-ի, այդ

թվում՝ յոթ կնոջ և 13 երեխայի, մեկ բժշկի և երկու բուժքույրի», - ասել է նա ժնեւում կայացած ճեպագրույցի ժամանակ:

Վիրավորների թիվը հասել է 146-ի, այդ թվում՝ հիվանդներին և նրանց ուղեկցող ընտանիքի անդամներին, ինչպես նաև ութ բուժաշխատողի: ԱՀԿ-ի տվյալներով՝ էլ Դաեյնի հիվանդանոցը սպասարկում էր Արեւելյան Դարֆուրի ինը շրջանների մոտավորապես 2 միլիոն բնակչի: Դրա ավերումը զգալիորեն կրճատում է անհրաժեշտ բժշկական օգնության հասանելիությունը տարածաշրջանում, որը լրջորեն տուժել է 2023 թվականից ի վեր տևող երկարատև հակամարտությունից:



ՊԱՐԶԿԵԼ Է

ԱՄՈՒՄԻՆՆԵՐԸ ԽՈՂԱՆՈՅԻ ՊԱՏՈՒՂԱՆԻՑ ԳՈՒՐՄ ԵՆ ՆԵՏԵԼ

ՀՀ ԲՆՃԱԿԱՆ ԿՈՄԻՏԵԻ ԵՐԵՎԱՆԻ ԲԱՆՈՒՄՆԵՐԻ ԲՆՃԱԿԱՆ ՎԱՐՉՈՒՅՈՒՄԻ ՄԱՍԻՆ ԲՆՃԱԿԱՆ ՎԱՐՉՈՒՅՈՒՄԻ ԳՐԹՈՂՈՒՄԻ ԲԱՆՈՒՄՆԵՐԻ ԿԱՏԱՐՄԱՆ ԱՐԴՅՈՒՆԻՐՈՒՄ ԴՊԱՐԳՎԵԼ Է, ՈՐ 2022 ՔՎԱԿԱՆԻ ԽՈՂՎԱՐԻ 21-ԻՆ ՏԵՂԻ Է ՈՒՆԵԳԵԼ ՈՉ ՔԵ ԻՆՖՈՐՄԱՏԻՎՈՒՄ, ԱՅՂ ՄԻ ԽՈՒՄԲ ԱՆՃԱՆԳ ԿՈՂՄԻՑ ԳՆԱԿԱՆ ԽՈՂՎԱՐՈՒՄԻ ԿԱՏԱՐՎԱԾ ԱՊԱՆՈՒՅՈՒՄ:



Քրեական հետապնդում 18.04.2003 թվականին ընդունված քրեական օրենսգրքի 104-րդ հոդվածի 2-րդ մասի 7-րդ կետով (սպանությունը): 2026 թվականի մարտի 24-ին ամուսինների նկատմամբ հարուցվել է հանրային քրեական հետապնդում 18.04.2003 թվականին ընդունված քրեական օրենսգրքի

104-րդ հոդվածի 2-րդ մասի 7-րդ կետով (սպանությունը): Ա.Թ.-ի նկատմամբ որպես խափանման միջոց կիրառվել է կալանքը, իսկ Ե.Մ.-ի նկատմամբ՝ բացակայելու արգելքը: Քրեական վարույթի նախաքննությունը շարունակվում է:

Մասնավորապես քրեական վարույթի շրջանակում կատարված մեծածավալ ապացուցողական և վարույթային այլ գործողությունների արդյունքում պարզվել է, որ Ի.Ա.-ն 2020 թվականին ուսման նպատակով Վանաձորից տեղափոխվել է Երեւան և բնակություն հաստատել իրեն ու իր ընտանիքին հարազատ՝ ամուսիններ Ա.Թ.-ի և Ե.Մ.-ի բնակարանում՝ նրանց հետ միասին:

Դեպքին նախորդող օրը Ի.Ա.-ի և Ա.Թ.-ի միջև իրենց բնակության հասցեում տեղի է ունեցել վիճաբանություն, որի ընթացքում Ի.Ա.-ն բուրձ ամրակայի առկայությունը մեկ հարվածի արդյունքում ստացել է կյանքի համար վտանգավոր մարմնական վնասվածք, որից հետո ամուսինները վերը նշված բնակարանի խոհանոցի պատուհանից տուժողին դուրս են նետել, ինչի հետեւանքով վերջինս 2022 թվականի փետրվարի 10-ին մահացել է:

2026 թվականի մարտի 24-ին ամուսինների նկատմամբ հարուցվել է հանրային

ԼՈՒՐԵՐ

ՓՈՐՉԵԼ Է ՓԱԽՈՒՄՏԻ ԳԻՄԵԼ

Մարտի 11-ին թմրանյութի հայտնաբերման դեպք է տեղի ունեցել Երեւանում: Ժամը 22:40-ի սահմաններում ՀՀ Ներքին գործերի նախարարության ոստիկանության համայնքային ոստիկանության գլխավոր վարչության Մալաթիայի բաժնի ծառայողները Տիգրան փողոցի թիվ 93 հասցեի մոտից ապօրինի թմրանյութ պահելու և օգտագործելու հիմնավոր կասկածի առկայության հիմքով ձերբակալել են ոստիկանության Մալաթիայի բաժնի են տեղափոխել Շիրակի մարզի բնակիչներ 25-ամյա Սեւակ Ն.-ին և 32-ամյա Գուրգեն Հ.-ին:

Ինչպես հայտնում է ֆոտոլրագրող Գագիկ Շամշյանը, վերջիններս երբ նկատել են, որ ոստիկանության աշխատակիցները մոտենում են իրենց, փորձել են դիմել փախուստի, եւ այդ ընթացքում Սեւակ Ն.-ն իր մոտից նետել է կասկածելի փաթեթ՝ լցված սպիտակավուն զանգվածով:

Դեպքի փաստով ոստիկանության Մալաթիայի բաժնում փաստաթղթեր են կազմվել, որոնք ձերբակալվածների հետ միասին ներկայացվել են ՀՀ Քննչական կոմիտեի Երեւան քաղաքի քննչական վարչության Մալաթիա-Սեբաստիա վարչական շրջանի քննչական բաժնի:

Գ. Շամշյանի տեղեկություններով՝ Սեւակ Ն.-ն աշխատում է ՀՀ Պաշտպանության նախարարության N զորամասում որպես պայմանագրային զինծառայող:

ԲԱՆՎԵԼ ԵՆ

Մարտի 25-ին ավտոկայար է տեղի ունեցել Կոտայքի մարզում: Ժամը 11:00-ի սահմաններում Նոր Հաճն-Արմավիրի ավտոճանապարհի Արզնու խճուղում բախվել են «Mercedes» եւ «ՎԱԶ 2106» մակնիշի ավտոմեքենաները:

Ինչպես հայտնում է shamshyan.com-ը, վթարի հետեւանքով 2 հոգի, որոնց առաջինն օգնության են հասել քաղաքացիներն ու ըստ քաղաքացիների հայտնածի՝ օպերատիվորեն ժամանած «Արմավիր» բժշկական կենտրոնի շտաբօգնության բժիշկների հերթապահ խմբերը, տեղափոխվել են «Արմավիր» բժշկական կենտրոն: Բժիշկները վիրավորներին մինչեւ հիվանդանոց տեղափոխելը տեղում առաջին բուժօգնություն են ցուցաբերել:

Վթարի փաստով Արմավիրի քննչական բաժնում նախաձեռնվել է քրեական վարույթ, որտեղ էլ պարզում են ավտոմեքենաների սեփականատերերի, վարորդների և վիրավորների ինքնությունը:

Ֆոտոլրագրողի տեղեկություններով՝ «Mercedes»-ի վարորդը ենթարկվել է սթափության փորձաքննության, եղել է ոչ սթափ:

Քննիչի հանձնարարականով ավտոմեքենաները տեղափոխվում են ՊՇ Կոտայքի մարզի գումարտակի պահպանվող հատուկ տարածք:

ԲԱՅԱՐԱՅՏՈՒՄ

ԳՅՈՒՄՐԻՈՒՄ ԿԱՍԵՑՎԵԼ Է



ՀՀ սննդամթերքի անվտանգության տեսչական մարմնի Շիրակի մարզային կենտրոնի տեսուչներն անհատ ձեռնարկատեր Գեորգ Տեր-Պետրոսյանին պատկանող հանրային սննդի օբյեկտում անցկացվող ստուգման ընթացքում պարզել են, որ այն գործում է իրավական ակտերով սահմանված սանիտարահիգիենիկ նորմերի խախտումներով (ք. Գյումրի, Արմավիր 246/4):

Մասնավորապես՝ - սննդի կառույցն ապահովված չի եղել արհեստական օդափոխության համակարգով,

- պատերի որոշ հատվածներ չեն ունեցել հարթ մակերես, չեն պահվել նորոգ վիճակում, պատրաստված չեն եղել անջրանցիկ, լվացվող, ախտահանվող նյութերից,

- առատադր չի պահվել նորոգ վիճակում, չի կանխարգելվել կեղտի կուտակման և մասնիկների թափվելու հնարավորությունը,

- աշխատանքային սեղանների մակերեսայինները չեն եղել հեշտությամբ մաքրվող և ախտահանվող:

Հանրային սննդի օբյեկտի արտադրական գործունեությունը կասեցվել է, սահմանվել է ժամկետ հայտնաբերված խախտումները վերացնելու համար:

ՀԱՅՐՈՅԵԼ ԵՎ ՀԱՐՎԱԾԵԼ Է

Մարտի 7-ին արտառոց դեպք է տեղի ունեցել Երեւանում: Ժամը 11:50-ի սահմաններում ՀՀ Ներքին գործերի նախարարության ոստիկանության համայնքային ոստիկանության գլխավոր վարչության Շենգավիթի բաժնի է դիմել Երեւանի բնակիչ 50-ամյա մի կին և հայտնել, որ 2 անչափահաս երեխաներ փորձում են ներխուժել թիվ 27 դպրոցի տարածք, դանակով վախեցրել ու հարվածել են պահակին: Ինչպես հայտնում է ֆոտոլրագրող Գագիկ Շամշյանը, նշված վայր մեկնած ոստիկանության Շենգավիթի բաժնի ծառայողներին 53-ամյա տղամարդը հայտնել է, որ ժամը 09:30-ի սահմաններում Արտա-

շիայան փողոցի 52 հասցեում գտնվող Երեւանի թիվ 27 հիմնական դպրոցում նույն դպրոցի 9-րդ դասարանի աշակերտը վիճաբանության ժամանակ իր քրոջ հասցեին հնչեցրել է հայիդյանքներ, ապա բռնկվելով մի քանի անգամ հարվածել է իր դեմքին և իրեն պատճառել ֆիզիկական ցավ:

Գ. Շամշյանի տեղեկություններով՝ ոստիկանության Շենգավիթի ոստիկանների կողմից ձեռնարկված օպերատիվ-հետախուզական միջոցառումների արդյունքում պարզվել է, որ անչափահասը հանդիսանում է Երեւանի բնակիչ 16-ամյա Հ. Հ.-ն:

Նույն օրը երեկոյան Սարգիս Ս.-ն «ԳՈՒՎ» նախնական նախորդմամբ շտաբօգնության բժիշկների կողմից տեղափոխվել է «Էրեբունի» բժշկական կենտրոն: Գ. Շամշյանի տեղեկություններով՝ տղամարդը աշխատում է Երեւանի թիվ 27 հիմնական դպրոցում որպես պահակ, իսկ նրա քույրը նշված դպրոցի վարչատնտեսական մասի համակարգողն է:

ԳԱՆԱԿԱՐԱՐԵԼ Է

Մասիսում տղամարդը դանակահարել է նախկին կնոջը: 75-ամյա տղամարդը ձերբակալվել է: Պարզվել է, որ 75-ամյա տղամարդը ժամը 13:50-ի սահմաններում այցելել է Մասիսի Հանրապետության փողոցում բնակվող նախկին կնոջը և դանակահարել նրան: Ըստ նախնական տվյալների՝ դրդապատճառը խանութ է: 70-ամյա կինը ստացած մարմնական վնասվածքներից մահացել է:

75-ամյա տղամարդը ձերբակալվել է: Կազմված փաստաթղթերը փոխանցվել են նախաքննական մարմին, հանգամանքները պարզվում են:

● Մարտի 23-ից 24-ը բացահայտվել է 2-ական դեպք՝ մարդու առեւանգման, խուլիգանության, պաշտոնեական լիազորությունների չարաշահման:

ՀԱՍԱՐԱԿՈՒԹՅՈՒՆ

ՍԱՐՁ

ԹԱՓԱՌՈՂ ԸՆԵՐԸ ՀԱՐՉԱԿՎՈՒՄ ԵՆ

Տավուշի մարզում թափառող, անտեր շների հիմնահարցը շարունակում է խիստ անհանգստություն պատճառել բնակիչներին: Տուրիստական մեծ համբավ ունեցող Դիլիջան քաղաքի բնակիչները մտահոգված են, որ իրենց փոքրահասակ երեխաները ցանկացած ժամանակ կարող են թափառող, անտեր շների հարձակմանը ենթարկվել:

Դիլիջան քաղաքի բնակչուհի Լիլիթ Զամալյանն ասում է, որ թափառող, անտեր շները խիստ վտանգավոր են, անտեր շներն իրավունքներ ունեն, օրենքով պաշտպանված են, սակայն դիլիջանցի երեխաներն այդ շների ահից վախենում են Դիլիջանի փողոցները դուրս գալ, խաղալ, զբոսնել:

Դիլիջանի բնակչուհի Արմինե Գրիգորյանը հայտնում է, որ Դիլիջան քաղաքում մարդկանց վրա անտեր, սոված, կատաղած շների հարձակում կարող է լինել ամեն վայրկյան, ամեն կողմից, շների իրավունքներն ավելի պաշտպանված են, քան բնակիչներին, այդ խնդիրը դարձել է անլուծելի:

Նշված հիմնահարցը վաղուց է առկա, սակայն Դիլիջանի համայնքապետարանը բավարար միջոցներ չի ձեռնարկում հիմնախնդիրը լուծելու կամ գոնե մեղմելու համար: Վերջին տարիներին Դիլիջան քաղաքում արձանագրվել են թափառող, անտեր շների հարձակումներ փոքրահասակ երեխաների եւ ծերերի նկատմամբ, շները կծոտել են երեխաների եւ չափահասների:

Թափառող շների հիմնախնդիրը առկա է նաեւ Տավուշի մարզի այլ բնակավայրերում: Շուրջ երկու շաբաթ է, ինչ Տավուշի մարզկենտրոն Իջեւանի քաղաքի կենտրոնական փողոցներից մեկում Անկախության փողոցում, հայտնվել է մի սպիտակ շուն, որը հարձակվում է անցորդների վրա, պատռում նրանց իրերը: Իջեւանցիներն ասում են, որ շունը սոված է, մարդկանց վրա հարձակումներով իր համար կեր է հայթայթում: Այդ շունը հարձակվել է նաեւ Իջեւանի համայնքապետարանի 2 աշխատակցուհիների վրա, որից մեկի ձեռքի փաթեթում մոմեր են եղել, շունը դրանք հոշոտել է: Շունը պատռել է նաեւ համայնքապետարանի մյուս աշխատակցուհու ձեռքի փաթեթը, որտեղ թխվածքներ են եղել, կենդանին դրանք եւս կերել է: Իջեւանում անհանգստացած են այդ շան վարքից, հարձակումներից: Դրա նախադեպը եղել է, երբ անցյալ տարվա ամռանը Ռիժիկ անունով շունը Իջեւանում ագրեսիվ վարք էր ցուցաբերում, հարձակվում անցորդների վրա: 2025թ. հուլիսին հատուկ ավտոմեքենայով Ռիժիկին տեղափոխեցին Երեւան քաղաքում գործող շների կացարան: Իջեւանի համայնքապետարանը թափառող, անտեր շների ստերջացման ծրագրեր է իրականացրել, այդ թվում՝ Հայաստանում առաջելություն իրականացրած եվրոպական դիտորդների աջակցությամբ, սակայն թափառող, անտեր շների հիմնահարցը չի լուծվում:

ՈՍՎԱՆ ՍԱՐԳՅԱՆ

ԻՆՉ Է ՀԱՅՏԱՐԱՐԱԳՐԵԼ

ԲՆԱԿԱՐԱՆ, ՀՈՂԱՄԱՍ, ԴՐԱՄԱԿԱՆ ՄԻՋՈՑՆԵՐ

Արամ Գուգարացը նշանակվել է Կադաստրի կոմիտեի ղեկավարի տեղակալ 2021 թվականի ապրիլի 23-ին:

Մինչ այդ, Armlur.am-ը պարզեց, որ նա տարբեր պաշտոններ է զբաղեցրել պետական համակարգում. 2021 թվականի փետրվարից մինչեւ ապրիլ եղել է Կադաստրի կոմիտեի Գեոմատիկայի կենտրոնի խորհրդական, 2020-2021 թվականներին աշխատել է «Ճանապարհային դեպարտամենտ» ՊՈԱԿ-ում՝ ղեկավարելով ծրագրեր, իսկ ավելի վաղ՝ 2017-2020 թվականներին, եղել է «Տրանսպորտային ծրագրերի իրականացման կազմակերպություն» ՊՈԱԿ-ի առաջատար ինժեներ/համակարգող:

Armlur.am-ը ուսումնասիրեց պաշտոնային 2024 թվականի հայտարարագիրը եւ առանձնացրեց մի շարք ուշագրավ տվյալներ:

4 միավոր անշարժ գույք

Պարզվեց, որ Արամ Գուգարացը հայտարարագրել է մի քանի անշարժ գույք.

- 1/2բաժնային սեփականությամբ բնակարան Երեւանում՝ ձեռք բերված 2022 թվականին՝ ժառանգության կարգով,
- բաժնային հողամաս Երեւանում՝ նույնպես 2022 թվականին՝ ժառանգությամբ,
- 2024 թվականին նվիրատվությամբ ձեռք բերված մեկ բնակարան Երեւանում,
- 2024 թվականին ժառանգությամբ ձեռք բերված եւս մեկ բնակարան՝ 3/4բաժնային սեփականությամբ:

Այսպիսով, պաշտոնյան ընդհանուր առմամբ ունի 3 բնակարան եւ 1 հողամաս: Ուշագրավ է այն հանգամանքը, որ մեկ տարվա ընթացքում երկու բնակարան է ձեռք բերել՝ ժառանգության եւ նվիրատվության կարգով:



Ինչ վերաբերվում է տրանսպորտային միջոցներին, ապա հայտարարագրում տրանսպորտային միջոց չի նշվել:

Դրամական միջոցներ

- Բանկային ավանդ՝ 2,000,000 դրամ,
- Բանկային հաշիվների մնացորդներ՝ 6,221 դոլար, 400,476 դրամ եւ 1,953,184 դրամ,
- Կանխիկ միջոցներ՝ 2,000 դոլար եւ 500,000 դրամ:

Եկամուտներ

Հաշվետու տարում նա ստացել է՝
● ժառանգություն՝ 6,200 դոլար,
● աշխատավարձ՝ Կադաստրի կոմիտեից՝ 11,020,305 դրամ:
Ընդհանուր եկամուտը կազմել է 13,479,101 դրամ:

ՍՄՆԱ ԳՐԻԳՈՐՅԱՆ

ԻՆՉ Է ԱՌԱՋԱՐԿՈՒՄ ԹՐԱՄՓԸ ԻՐԱՆԻՆ

ԱՄՆ նախագահ Դոնալդ Թրամփի կողմից Իրանի համար ներկայացված, այսպես կոչված, 15 կետանոց «խաղաղության ծրագիրը» պաշտոնապես չի հրապարակվել, սակայն դրա որոշ մանրամասներ շրջանառվում են ամերիկյան եւ իսրայելական լրատվամիջոցներում:

Մասնավորապես, իսրայելական Channel 12-ը հայտնում է, որ առաջարկը ներառում է մի շարք խիստ պահանջներ Թեհրանի նկատմամբ:

Ըստ այդ տեղեկությունների՝

- Իրանի միջուկային օբյեկտները՝ Նայթանգում, Իսֆահանում եւ Ֆորդոյում, պետք է ապագործարկվեն եւ ոչնչացվեն,
- Իրանի միջուկային գործունեությունը պետք է ամբողջությամբ գտնվի International Atomic Energy Agency-ի վերահսկողության տակ,
- Իրանը պետք է հրաժարվի տարածաշրջանում իր զինված դաշնակիցներին աջակցելուց եւ նրանց ֆինանսավորումից,
- Պետք է ապամոնտաժվեն արդեն կուտակված միջուկային կարողությունները,
- Թեհրանը պարտավորվի երբեք չձգտել միջուկային զենքի ստեղծմանը,
- Իրանի տարածքում չպետք է իրականացվի ուրանի հարստացում, իսկ առկա հարստացված նյութերը պետք է հանձնվեն Ատոմային էներգիայի միջազգային գործակալությանը,
- Հորմուզի նեղուցը պետք է մնա բաց եւ համարվի «ազատ ծովային գոտի»,



- Իրանի հրթիռային ծրագիրը պետք է սահմանափակվի քանակով եւ հեռահարությամբ՝ բացառապես ինքնապաշտպանական նպատակներով:

Միեւնույն ժամանակ, ըստ նույն աղբյուրների, ծրագիրը նախատեսում է նաեւ որոշ զիջումներ Իրանի համար: Դրանց թվում են՝

- ԱՄՆ աջակցությունը Բուշեհրում քաղաքացիական միջուկային էներգետիկ ծրագրի զարգացման համար,

- Իրանի դեմ կիրառվող բոլոր պատժամիջոցների վերացում,

- Պատժամիջոցների վերականգնման սպառնալիքի չեղարկում:

Բացի այդ, հաղորդվում է, որ հնարավոր է մեկամյա հրադադար՝ բանակցությունների ընթացքում, սակայն այս տեղեկատվությունը եւս պաշտոնապես չի հաստատվել, եւ White House-ը դեռեւս չի մեկնաբանել այդ տեղեկությունները:

Ա. Վ.

● Մարտի 23-ից 24-ը Հայաստանի Հանրապետությունում հայտնաբերվել է 8 հետախուզվող, կամավոր ներկայացել է 3-ը:

ՍՈՑԻԱԼԱԿԱՆ

ԼՈՒՐԵՐ

ՄՏՈՐԱԳՐԵՑԻՆ ՀՈՒՇԱԳԻՐ



«Ուժեղ Հայաստան» կուսակցությունը հայտնում է.

«Մենք այլևս թույլ չենք լինի: Հենց նոր ստորագրեցինք հուշագիր հույան-դական Dyami անվտանգության հետախուզական ընկերության և հունական DRCS ընկերության հետ:

Սամվել Կարապետյանի վարչապետ դառնալուց հետո մենք փոփոխություններ ենք բերելու»: (Գ)

ՖԱՍԹ ԲԱՆԿԸ ՏԵՂԱԲԱՇԽՈՒՄ Է



Ֆասթ Բանկը թողարկել է 12 միլիարդ ՀՀ դրամ ընդհանուր ծավալով արժեկտրոնային կորպորատիվ պարտատոմսեր՝ 100 հազար ՀՀ դրամ անվանական արժեքով և 10-50% տարեկան եկամտաբերությամբ:

Հավելենք, որ պարտատոմսերը թողարկվել են 24 ամիս (23.03.2028) մարման ժամկետով կիսամյակային վճարման պարբերականությամբ: Ի դեպ, ՀՀ հարկային օրենսգրքով նախատեսված արտոնության համաձայն՝ պարտատոմսերից ստացվող եկամուտն ազատված է եկամտային հարկից մինչև 2027թ. դեկտեմբերի 31-ը ներառյալ:

Ֆասթ Բանկի կորպորատիվ պարտատոմսերը հնարավոր է ձեռք բերել ոչ միայն Բանկի 24/7 գործող մասնաճյուղերից, այլև հեռավար տարբերակով՝ Fast Bank Mobile հավելվածի կամ առցանց բանկինգի միջոցով: Ձեռք բերված պարտատոմսերն ու դրանց ողջ նկարագիրն արտացոլվելու է հավելվածի «Իմ պարտատոմսերը» բաժնում:

ՀՀ ԿԲ նախագահի 2026 թվականի հունվարի 29-ի թիվ 1/44Ա որոշմամբ գրանցվել է պարտատոմսերի Ծրագրային ազդագիրը:

Ծրագրային ազդագրի, Ազդագրի լրացման և Թողարկման վերջնական պայմանների թղթային տարբերակները կարելի է ձեռք բերել՝ այցելելով Ֆասթ Բանկի գլխամասային գրասենյակ կամ Բանկի ցանկացած մասնաճյուղ:

Ֆասթ Բանկը թվային բանկ դառնալուն միտված ընկերություն է, որը 24/7 աշխատանքային գրաֆիկով ներկայացված է Երեւանում և Հայաստանի բոլոր մարզերում:

Ֆասթ Բանկը վերահսկվում է ՀՀ Կենտրոնական բանկի կողմից (Գ)

C360 ԲԱՆԿԵՐ

ՄԻ ԲԱՆԻ ԲԱՐՏ՝ ՄԵԿ ԳՆՈՎ

Քանի՞ վճարային ֆաբ և օգտագործում առջա կյանքում... Միայն մե՞կը, իսկ հետո ամեն անգամ գումար եք կորցնում՝ փոխարկելով գումար արժեքից առցանց գնումների կամ ադրանքի վերադարձի ժամանակ...

Թե՛ տարբեր արժույթներով մի քանի քարտ՝ անտեսելով հարմարավետությունն ու վճարելով մի քանի քարտի տրամադրման, սպասարկման վճար:

Կոնվերս Բանկը գտել է լուծումը. մեկ փաթեթ՝ մի քանի քարտով ու միասնական գնով, որն անհամեմատ ավելի ցածր է, քան կվճարեիք առանձին քարտերի համար:

Պատկերացրեք՝ օգտվում եք C360 Neo փաթեթից: Դրա շրջանակում ստանում եք 3 միջազգային և մեկ Արքա քարտ, ինչպես նաև 4 թվային քարտ Ձեր նախընտրելի արժույթով՝ ՀՀ դրամ, ԱՄՆ դոլար, Եվրո կամ ՌԴ ռուբլի:

Թաքնված վճարներ չկան. այսինքն 8 քարտի համար Դուք վճարելու եք ընդամենը ամսական 500 դրամ և խնայելու եք հենց այդ պահից:

Ինչո՞ւ... Որովհետև այլ առաջարկների դեպքում.

• Քարտերից յուրաքանչյուրի տրամադրման համար հենց սկզբից միանվագ վճարելու եք գումար,

• 8 քարտի համար ամեն տարի վճարվելիք սպասարկման վճարը մոտ 50 տոկոսով գերազանցելու է Կոնվերս Բանկի առաջարկի տարեկան գինը:

Իսկ ինչո՞ւ 8 քարտ. որովհետև դրանք նախատեսված են տարբեր նպատակների և իրավիճակների համար.

• Հիմնական դրամային քարտ տեղական գնումների և անվճար կանխիկացումների համար

• Երկրորդ արտարժույթային քարտ միջազգային գնումների համար, հատկապես՝ ճամփորդելիս

• Կից քարտ ընտանիքի անդամին

• Արքա քարտ տեղական գնումների և դրանցից հավելյալ 2% քեշբեք ստանալու համար

• Թվային քարտեր տարբեր արժույթներով հատկապես առցանց գնումների համար՝ տարանջատելու Ձեր միջոցները և

Advertisement for Converse Bank 360. Features the bank logo and several 3D-rendered coins. Text includes 'C360 ԲԱՆԿԻՆԳ' and 'ՄԵԿ ԼՈՒԹՈՒՄ ԲԱՆԿԱՑԻՆ ԲՈՒՈՐ ԿԱՐԻՉԵՆԵՐԻ ՀԱՄԱՐ'.

դրանք առավել անվտանգ օգտագործելու համար:

Եւ այս ամենը՝ մեկ փաթեթում՝ ապահովելու Ձեր պահանջմունքների 360 աստիճան բավարարում: Ի դեպ, այս բոլոր քարտերին հասանելի է գործարքներից անվճար SMS ծառայություն:

Ողջ աշխարհում մարդիկ նախընտրում են փաթեթային առաջարկները. շահեկան է ԱՄՆ-ում, համաձայն Experian data as of June 2025-ի, մեկ մարդուն միջինում բաժին է ընկնում 3.7 վճարային քարտ, Եվրոպայում ցուցանիշն է ապա չի տարբերվում:

PYMNTS հետազոտությունը ցույց է տալիս, որ ողջ աշխարհում մարդկանց 57%-ը նախընտրում է բանկային ծառայությունների փաթեթները, երբ նրանք կարող են ստանալ մի քանի ծառայություն՝ մեկ առաջարկում:

C360-ը ոչ միայն քարտեր են Յուրաքանչյուր փաթեթում կգտնեք այն, որն առավել հարմար է Ձեր ֆինանսական կարիքներին: Բացի քարտերից, Դուք ստանում եք՝

- Հաշվարկային և խնայողական հաշիվներ և տարեկան միջև 4,25% եկամուտ ստանալու հնարավորություն Ձեր ընթացիկ միջոցների դիմաց,
- ՀՀ-ում բանկում ստանալու կանխիկացման 0% միջնորդավճար Կոնվերս Բանկի կողմից,
- 2% քեշբեք Արքա քարտերով,
- Անվճար քաղվածքներ և SMS ծանուցումներ,
- Վարկային սահմանաչափ՝ արտոնյալ պայմաններով,
- Կախված փաթեթից՝ նաև ճամփորդական ապահովագրություն, Fast Track և Business lounge-ից օգտվելու հնարավորություն, կոնսիեթ ծառայություն...

C360-ը բանկինգ է շատ ծառայություններով ու մեկ պարզ սակագնով և ցանկացած պահի upgrade-ի՝ ավելի ընդգրկուն փաթեթի անցնելու հնարավորությամբ:

Conversebank.am, 010 511 211
Կոնվերս Բանկը վերահսկվում է ՀՀ ԿԲ կողմից

«ԱՐՄԱՏ» ԱՆԳՐԱԿ ՎԱՐԿ

Գյուղատնտեսական բիզնեսի կայուն աճի համար Հայկոնոմբանկը առաջարկում է «ԱՐՄԱՏ» վարկատեսակը:

Այն միջոցների ներգրավման հարմար և հասանելի տարբերակ է այն ֆիզիկական անձանց և անհատ ձեռնարկատերերի համար, ովքեր փնտրում են գյուղատնտեսական վարկ առանց գրավի ապահովման և մարման ճկուն գրաֆիկով:

Վարկը տրամադրվում է առավելագույնը 3 աշխատանքային օրվա ընթացքում: Վարկի հիմնական պայմաններն են.

Վարկի արժույթ	AMD	USD
Վարկի գումար	300,000 – 3,000,000	700 – 7,000
Տարեկան անվանական տոկոսադրույք (6-12 ամիս)	14.5%	12.5%
Տարեկան անվանական տոկոսադրույք (13-48 ամիս)	16%	14%
Տարեկան փաստացի տոկոսադրույք	18.49% – 23.51%	16.20% – 21.21%
Վարկի ժամկետ	6 – 48 ամիս	6 – 48 ամիս

Ինչպե՞ս դիմել
«Արմատ» վարկատեսակն ստանալու համար հաճախորդները կարող են դիմել

Հայկոնոմբանկի «Աշտարակ», «Արարատ», «Արմավիր», «Արտաշատ», «Էջմիածին» մասնաճյուղեր:

Հայկոնոմբանկը շարունակում է հավատարիմ մնալ տնտեսության իրական կարիքներից բխող իր ռազմավարությանը՝ առաջարկելով պրոդուկտներ և ծառայություններ, որոնք հիմք են ստեղծում տնտեսության երկարաժամկետ զարգացման համար:

86 86 | aeb.am

Հայկոնոմբանկը վերահսկվում է ՀՀ Կենտրոնական բանկի կողմից

Advertisement for AEB Armat bank. Features the AEB logo and the text 'ԱՐՄԱՏ ԱՆԳՐԱԿ ԳՅՈՒՂԱՏՆՏԵՍԱԿԱՆ ՎԱՐԿ'. Below the text is an image of a hand holding a small plant growing in soil. At the bottom, it says '86 86 | aeb.am' and 'Հայկոնոմբանկը վերահսկվում է ՀՀ Կենտրոնական բանկի կողմից'.

«Ողովուրդ» օրաթերթում և ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄՆԱԿՈՒՅԹ

ՑՈՒՑԱՐԱՆՆԵՐ

ՆՎԻՐՎԱԾ Է ՄԱՅՐՈՒԹՅԱՆ ԹԵՄԱՅԻՆ

Ֆրանսիայի Մարսել քաղաքում գործող եվրոպական և Միջերկրածովյան քաղաքակրթությունների քանդարան (Mucem)-ը ներկայացրել է յուրահասակ և խորհային ցուցադրություն՝ «Bonnes Meres» խորագրով, որը նվիրված է մայրության թեմային՝ դրա բազմաթիվ դրսևորումներին արվեստում և հասարակական կյանքում: Ցուցահանդեսը ընդգրկում է շուրջ 4000 սարվա դասնություն՝ միավորելով Միջերկրածովյան քաղաքացիական մշակույթները և ներկայացնելով, թե ինչպես է մայրության կերպարը ձևավորվել, փոխվել և վերաիմաստավորվել ժամանակի ընթացքում:



«Bonnes Meres» ցուցադրությունը միավորում է ավելի քան 350 աշխատանք և առարկաներ կայացված 20 երկրներից: Դրանց թվում են ինչպես հնագույն քանդակներ ու աստվածուհիների պատկերներ, այնպես էլ ժամանակակից արվեստի գործեր, որոնք անդրադառնում են մայրության իրական, երբեմն՝ բարդ և հակասական կողմերին: Ցուցադրության զգալի մասը՝ շուրջ 120 նմուշ, պատկանում է հենց Մարսելի թանգարանի հավաքածուին:

մայրության տարբեր դրսևորումներ և գաղափարություններ:

Ցուցահանդեսի առաջին հատվածում ներկայացված են հնագույն քարե աստվածուհիներ, որոնք խորհրդանշում են մայրությունը որպես կյանքի աղբյուր և պաշտամունքային արժեք: Սակայն ցուցադրության ընթացքում այցելուները աստիճանաբար տեղափոխվում է ավելի իրական և մարդկային հարթություն, որտեղ մայրությունը ներկայացվում է ոչ թե իդեալականացված, այլ՝ իրական փորձառությունների միջոցով:

Ցուցահանդեսը ոչ միայն պատմական հետախայաց է, այլև սոցիալական հայտարարություն: Այն նպատակ ունի խթանել հանրային քննարկում մայրության դերի, կանանց վիճակի և հասարակության մեջ նրանց ունեցած ազդեցության վերաբերյալ: Կուրատորները հույս ունեն, որ այս նախագիծը դուրս կգա թանգարանի պատերից և կդառնա լայն քննարկման առիթ:

«Bonnes Meres»-ը նաև յուրատեսակ հարգանքի տուրք է մայրերին՝ իրենց բոլոր դրսևորումներով՝ ուժեղ, խոցելի, հոգատար, երբեմն նաև պայքարող: Այն առաջարկում է նոր հայացք նետել մայրությանը՝ գերծ կարծրատիպերից և մոտ իրականությանը՝ իր ամբողջ բարոյությամբ ու անկեղծությամբ:

Ցուցահանդեսը կգործի մինչև 2026 թվականի օգոստոսի 31-ը՝ հնարավորություն տալով այցելուներին վերաիմաստավորել մայրության գաղափարը և տեսնել այն նոր լույսի ներքո:

ՄԱՐԶԱԿԱՆ


ԶԳՏԵԼՈՒՒ Է ՀԱՂԹԵԼ

Հայաստանի ֆուտբոլի հավաքականի կիսապաշտպան Նարեկ Գրիգորյանը խոստովանել է, որ ձգտելու են հաղթանակ տունել Բելառուսի ընտրանու նկատմամբ:

«Բոլորս լավ տրամադրությամբ մարզվում ենք ու պատրաստվում բարձր մակարդակով անցկացնել խաղն ու անպայման հաղթել: Բնականաբար, շատ կարեւոր է ընկերական հանդիպումներ անցկացնելը, քանի որ դրանք հնարավորություն են տալիս իրար լավ հասկանալ: Կարեւոր է նաև կատարել ու հասկանալ մարզչի պահանջները, որովհետեւ նա այդքան էլ շատ ժամանակ չի անցկացրել թիմի հետ: Մարզավիճակս լավ է ու կփորձեմ օգնել հավաքականին»,- Գրիգորյանի խոսքերը մեջբերում է ՀՖՖՆ-ն:

Հայաստանի հավաքականը մարտի 29-ին երեւանում ընկերական հանդիպում է անցկացնելու Բելառուսի հետ: Խաղի սկիզբը 18:00-ին է:

ՄԱԼԱԿԸ ՈՐՈՇԵԼ Է ՀԵՌԱՆԱԼ



Սոհամեդ Սալահը ակումբի հետ մինչև 2027 թվականը պայմանագիր ունի, սակայն որոշել է ավելի շուտ լքել այն:

«Ցավոք, այդ օրը եկավ: Ուզում եմ ասել, որ երբեք չէի կարող պատկերացնել, թե որքանով այս ակումբը, մարդիկ և քաղաքը կդառնան իմ մի մասը: «Լիվերպոլ»-ը պարզապես ֆուտբոլային ակումբ չէ, այն կիրք է, պատմություն և ոգի: Այդ ամենը բառերով բացատրել չեմ կարող», - սոցիալական ցանցերում գրել է հարձակվողը: «Լիվերպոլ»-ն իր պաշտոնական կայքում եւս հաստատել է տեղեկությունը:

Սալահը «Լիվերպոլ»-ի կազմում հանդես է գալիս 2017 թվականից և թիմի կազմում 435 խաղ է անցկացրել, դարձել 255 գոլի և 122 գոլային փոխանցման հեղինակ: Սալահը 4 անգամ ճանաչվել է Պրեմիեր Լիգայի լավագույն ռմբարկու: Նա Անգլիայի կրկնակի չեմպիոն է, ակումբի հետ տիրացել է Անգլիայի գավաթին և Լիգայի գավաթին, հաղթել Չեմպիոնների Լիգայում և Աշխարհի ակումբային առաջնությունում:

ԼՈՒՐԵՐ

ՄԻԱՆՉՆՅԱ ԱՌԱՋԱՏԱՐ

Հայ գրոսմայստեր Հայկ Մարտիրոսյանը հաջող ելույթ է ունենում Տաշքենդում անցկացվող Agzamov Memorial շախմատի միջազգային մրցաշարում՝ նախավերջին խաղափուլից առաջ զբաղեցնելով միանձնյա առաջատարի դիրքը: Մրցաշարի 8-րդ խաղափուլում Մարտիրոսյանը կարեւոր հաղթանակ տարավ՝ առավելության հասնելով ուզբեկ գրոսմայստեր Աբդիմալիկ Աբդիսալիմովի նկատմամբ: Այս հաղթանակը թույլ տվեց հայ շախմատիստին ամրապնդել իր դիրքերը մրցաշարային աղյուսակում և առավել վստահ մոտենալ եզրափակիչ փուլին:

Մուհամմադգոխիդ Սույարովը և Բախրոմ Բախրիլլաեւը:

Մրցաշարի վերջին խաղափուլը վճռորոշ կլինի՝ պարզելու հաղթողին: Հայկ Մարտիրոսյանի համար սա կարեւոր հնարավորություն է ոչ միայն մրցանակային տեղ զբաղեցնելու, այլև միջազգային ասպարեզում հերթական հաջողությունն արձանագրելու համար:

ԱՄՍՎԱ ԼԱՎԱԳՈՒՅՆ ՄԱՐԶԻՉ

Իսպանիայի գործող չեմպիոն «Բարսելոնա»-ի գլխավոր մարզիչ, 61-ամյա գերմանացի մասնագետ Հանս-Դիտեր Ֆլիկը ճանաչվել է Լա Լիգայի մարտ ամսվա լավագույն մարզիչ: Մրցանակը լիովին արդարացված է թիմի տպավորիչ ելույթներով. մարտ ամսվա ընթացքում կատարական ակումբը անցկացրել է երեք հանդիպում և բոլորում է տարել հաղթանակ: «Բարսելոնան» նվազագույն հաշվով առավելության է հասել «Աթլետիկ Բիլբաո»-ի նկատմամբ (1:0), ապա դիտարժան խաղում հաղթել է «Սեվիլյա»-ին (5:2), իսկ վերջում կրկին 1:0 հաշվով առավելության է հասել «Ռայո Վալիեկանո»-ի նկատմամբ: Այս հաջողությունների շնորհիվ «Բարսելոնան» 73 միավորով շարունակում է գլխավորել մրցաշարային աղյուսակը՝ 4 միավոր առաջ լինելով իր գլխավոր մրցակցից՝ «Ռեալ Մադրիդ»-ից: Լավագույն մարզչի կոչման համար պայքարում Ֆլիկը գերազանցել է նաև ուժեղ մրցակիցների: Զվեարկության արդյունքում նա առաջ է անցել Դիեգո Սիմեոնեից, որի գլխավորած «Աթլետիկո Մադրիդ»-ը մարտին գրանցել է 2 հաղթանակ և 1 պարտություն, ինչպես նաև Լուիշ Կաշտրուլից, որի ղեկավարած «Լեանտե»-ն ունեցել է 2 հաղթանակ և 1 ոչ-ոքի:

Ֆլիկի ղեկավարությամբ «Բարսելոնան» շարունակում է վստահ քայլերով շարժվել դեպի հերթական չեմպիոնությունը՝ ցուցադրելով կայուն և արդյունավետ խաղ:

● Հովի. Թումանյանի անվան ազգային տիկնիկային թատրոնում մարտի 26-ին տեղի կունենա «Սուտլիկ որսկանը» ներկայացումը:



ԿԱՐԳ

ՀԱՐՑ. Երեւանում մեքենան կայանելուց հետո մոտեցել է մի անձ եւ գումար է դահանջում կայանման համար. ի՞նչ անել նման դեպքում:

Դավիթ Սուրենյան, 58 տարեկան

ՊԱՏԱՍԽԱՆ.

Հարկ է նախ արձանագրել, որ ճանապարհային երթուղիների կանոններով սահմանված է, որ ընդհանրապես տրանսպորտային միջոցը տեղակայել եւ կայանել թույլատրվում է երթուղիների մասի եզրին զուգահեռ մեկ շարքով, այնտեղ, որտեղ առկա է համապատասխան ճանապարհային նշան կայանում կատարելու վերաբերյալ: Այն ավտոկայանատեղի, որի համար նախատեսվում է վճարի գանձում, պետք է առանձնացված լինի ցուցանակներով եւ կարմիր գույնի գետնանշումով, իսկ վճարի չափն էլ սահմանվում է համայնքի ավագանու որոշմամբ:

Այսինքն, այն ավտոկայանատեղիներում, որտեղ առկա չեն կարմիր գույնի գետնանշումներ, դրանք վճարովի չեն եւ դրանց համար քաղաքացիները չպետք է կատարեն որեւէ վճարումներ: Իհարկե, բացառություն են կազմում այն դեպքերը, երբ համայնքի ավագանու որոշմամբ համայնքին պատկանող այս կամ այն փողոցի հատվածները կամ այլ ավտոկայանատեղիները վարձակալությամբ հանձնված են մասնավոր կազմակերպությունների օգտագործմանը՝ իրենց կազմակերպության գործունեության պատշաճ կազմակերպման համար:

Հարկ է ընդգծել, որ կարմիր գույնի գետնանշումով առանձնացված ավտոկայանատեղիներում ավտոմեքենան կայանելու համար վճարներ գանձելու նպատակով դրանք չեն հսկվում որեւէ աշխատակցի կողմից, դրանց համար վճարները չեն գանձվում կանխիկ: Կայանատեղիի համար վճարումների չափերն ու ձեւերը հստակ նշված են համապատասխան ցուցանակների վրա (կատարվում են բանկում կամ sms կարճ հաղորդագրություն ուղարկելու միջոցով): Եթե կարմիր գույնի գետնանշումով ավտոկայանատեղիում ավտոմեքենա կայանելու ժամանակ ինչ-որ անձ է մոտեցել եւ գումար է պահանջում, կարող եք մերժել նրա պահանջը՝ հայտնելով, որ դրա համար վճարման կարգը sms կարճ հաղորդագրություն ուղարկելու միջոցով է կատարվում կամ բանկում: Միաժամանակ, պահանջքներ կայանալ եւ հայտնել, թե որ կազմակերպության աշխատակիցն է հանդիսանում: Իսկ եթե այն վայրը, որտեղ կայանել էք Ձեր ավտոմեքենան, կարմիր գույնի գետնանշումներով նշված չէ, եւ ինչ-որ անձ Ձեզանից գումար է պահանջում կայանման համար, ապա նախ նրանից պահանջեք Ձեզ տրամադրել տեղեկատվություն ավտոկայանատեղիի համար վճար գանձող կազմակերպության եւ վճարի չափի մասին, պահանջք նրանից հայտնել իր անուն-ազգանունը եւ այն կազմակերպությունը, որտեղ նա աշխատում է: Այդ տեղեկությունները հայտնելուց հետո կարող եք դրանց իսկությունը ստուգել՝ զանգահարելով Երեւանի քաղաքապետարանի կամ մարզպետարանների թե՛ գծի՝ խնդրելով հայտնել, թե կոնկրետ փողոցի այդ հատվածում գտնվող ավտոկայանատեղիի տրամադրվել է արդյոք որեւէ մասնավոր կազմակերպության, թե՛ ոչ:

Տեղական ինքնակառավարման մարմին

ՀԱՍԱՐԱԿՈՒԹՅՈՒՆ

ՀԱՐՑ. Խանութից անհայտ կաթնամթերք եւ գնել, որի օգտագործումից ինքնազգացողությունս վատացել է: Ի՞նչ անեմ եւ ո՞ւմ դիմեմ:

Գագիկ Արրահամյան, 71 տարեկան



ՊԱՏԱՍԽԱՆ.

(Սկիզբը՝ նախորդ համարում) Փաթեթավորման պետք է գրված լինի արտադրողի եւ վաճառողի գտնվելու վայրը, այն կազմակերպության գտնվելու վայրը, որը լիազորված է սպառողներից բողոքներ ընդունել, եւ օրենքով սահմանված այլ տեղեկություններ: Եթե Ձեր կողմից գնած կաթնամթերքի փաթեթավորման վրա առկա չեն վերոնշյալ տեղեկությունները կամ դրանց մի մասը, ապա առկա է խախտում արտադրողի կամ վաճառողի կողմից:

Նման իրավիճակում, կախված Ձեր ինքնազգացողության վատթարացման աստիճանից, նախ խորհուրդ է տրվում դիմել շտապ-բուժօգնություն ծառայությանը՝ զանգահարելով 1-03, այնուհետեւ անհրաժեշտ է անմիջապես դեպքի մասին ահազանգել ՀՀ սննդամթերքի անվտանգության պետական ծառայություն կամ զանգահարել վերջինիս թե՛ գծի հեռախոսահամարով:

Ձեր բողոքների մասին կարող եք բարձրաձայնել նաեւ՝ դրանք էլեկտրոնային փոստով ուղարկելով ՀՀ սննդամթերքի անվտանգության պետական ծառայություն:

Սննդամթերքի անվտանգության տեսչական մարմին

«ԺՈՂՎՈՒՐԳ».

Բացի այդ, Դուք կարող եք այդ ապրանքի վերաբերյալ Ձեր բոլոր բողոքները հայտնել այն խանութի տնօրինությանը, որտեղից գնել եք այն՝ ներկայացնելով ապրանքի համար վճարման անդորրագիրը: Իսկ Ձեր առողջությանը անորակ սննդամթերքի արդյունքում վնաս պատճառվելու դեպքում կարող եք վնասները գանձելու պահանջով դիմել դատարան:

ԼՈՒՐ ԿԱԴՐ

Լուսանկարը՝ shamshyan.com-ի



Առինջ բնակավայրում ստեղծվել է կեղտաջրերի «միսի լճակ»:

ԲԱԺՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել



«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-53-01

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրության (010 54-64-23 հեռախոսահամարով), եւ մենք անպայման կանդորդառնանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը:
Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____

Ազգանուն՝ _____

Առաքման հասցե՝ _____

Բջջային եւ/կամ քաղաքային հեռախոս՝ _____

ԵՂԱՆԱԿԻ ՏԵՍՈՒԹՅՈՒՆ



☀	Շիրակ	-1 +3 +8 +12
☀	Կոտայքի լեռներ	0 +3 +7 +10
☀	Կոտայքի նախալեռներ	+4 +7 +11 +14
☀	Գեղարքունիք	0 +3 +8 +11
☀	Լոռի	+3 +7 +10 +13
☀	Տավուշ	+2 +5 +11 +13
☀	Արագածոտնի լեռներ	0 +3 +6 +9
☀	Արագածոտնի նախալեռներ	+4 +7 +10 +15

☀	Արարատ	+5 +8 +12 +15
☀	Արմավիր	+6 +9 +13 +16
☀	Վայոց ձորի լեռներ	+1 +4 +6 +9
☀	Վայոց ձորի նախալեռներ	+6 +9 +12 +16
☀	Սյունիքի լեռներ	0 +3 +6 +9
☀	Սյունիքի նախալեռներ	+3 +6 +13 +16
☀	Սյունիքի հովիտներ	+6 +9 +19 +22
☀	Երեւան	+6 +8 +13 +15

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Արշակունյաց 22՝/3, հեռ՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 25.03.2026
Տպաքանակ՝ 3968

Գլխավոր խմբագիր՝ ԶՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը: «Շարունակությունը կարող էք կարդալ «Ժողովուրդ» օրաթերթի այսօրվա համարում»: